

Bibiliya y' Abana
Ishikirije

Intumwa
y'Imana



Yanditswe na: Edward Hughes

Amashusho ashirwamwo na:
Byron Unger; Lazarus; Alastair Paterson

Itunganywa na: E. Frischbutter; Sarah S.

Isobanurwa mu Kirundi na:
Manurakoze Pacifique

Yateguwe na: Biblefor Children
www.M1914.org

©2022 Bible for Children, Inc.

Uburenganzira: Murafise uburenganzira bwo kwimura canke
gusohora ku mpapuro iyi nkuru mugihe gusa mutayigurisha.



Umusi umwe, umutama w'umuherezi
yitwa Zakariya yariko aturira imibavu
mungoro y'Imana. Hanze, hari
abantu bariko barasenga.

Bukwi na bukwi
Zakariya atangura
kujugumira.



Umumalayika aramubonekera. "Ntugire ubwoba," aramubwira. "Imana yantumye.

Umugore wawe azovyara umwana w'umuhungu.



Uze umwite Yohana. Azoba yuzuye
Mpwemu Yera kuva akivuka. Azozana
abantu beshi k'Umukiza."



"Tubwire, Zakariya!" Abantu bari
hanze bari batangaye. Ntibari
bazi ko Umumalayika
Gaburiyeli yari yabwiye
Zakariya ko atazosubira
kuvuga gushika
uwo mwana ...



... avutse kuko Atari yizeye
ubutumwa bw'Imana.
Yibaza ko umugore wiwe
ashaje cane kuburyo
atoba akivyara.



Asubiye iwe, zakariya yandika ivyo umumalayika yamubwiye vyose.

Umugore wiwe Elizabeti aratangara cane. Yari yarasenze igihe kirekire asaba Umwana.

Ni gute ivyo vyoba bije ubu?





Haheze imisi,
Elizabethi amenya
ko yibungenze.
Ashima Imana.
Umusi umwe,
Mariya muvyara
wa Elizabethi aza
kumuramutsa.
Mariya nawe
nyene yumva
umwana munda.





Mariya ashitse, Elizabeti
yumva umwana akina munda.
Elizabeti yari yuzuye Mpwemu
Yera. Amenya ko
Umwana Mariya
yibungenze
azoba Umwami
Yesu Kristo.
Bose bashimira
Imana buzuye
umunezero.



Umwana wa Elizabeti yavutse nk'uko
Imana yari yarabisezeranye.


"Hamagara zakariya se
wiwe", abandi bahezerezi
baravuga. Maze
Zakariya yibuka
itegeko Imana
yamuhaye!



"Oya! Izina ry'umwana ni Yohana".
Zakariya ahejeje kwandika
ayo majambo, aca asubira
kuvuga. Hanyuma aca
ashimira Imana.



Yohana amaze gukura,
yari ameze nka Eliya,
umuntu w'Imana
adasanzwe. Yohana
yabwira abantu ko
ukugaruka k'Umwana
w'Imana kuri hafi.



Abakuru b'abayuda
baranka yohana kuko
yavuga ngo: "Ni
mwihane! Mureke
gukora ivyaha".
Ntibashaka kwumva
uwuvuga ivyaha vyabo.



Abandi bamwita Yohana-umubatizi kuko yabatiza abantu kugira ngo berekane ko bababajwe n'ivyaha vyabo.

Umusi umwe Yesu aja aho Yohana yari kugira ngo amubatize.



Yohana agomba kwanka: "Ni jewe nkwiye kubatizwa nawe" Ariko Yesu aramwishura: "Bikore ubu kuko ariko bikwiye kumera." Maze Yohana aca abatiza Yesu.



Yesu amaze
kubatzwa,
Yohana abona
Mpwemu yera
amanuka kuri
Yesu afise
ishusho
y'inuma.



Cari ikimenyetso
c'Imana. Yohana
yari azi ko Yesu
yari Umwana
w'Imana.
Yohana yita
Yesu Umwagazi
w'Imana ukura
ivyaha vy'abari
mw'isi.



Yohana yarongoreye abantu beshi ku Mana. Ariko Herodi, umwami mubi, ata

Yohana mw'ibohero.

Yohana yari yabwiye Herodi ati:

"Ntaburenganzira ufise bwo gufata Herodiya, umugore wa mwene wanyu

ngo umugire umugore wawe.

Ico ni icaha."





Herodi yari abizi ko uko ari ukuri amubwiye. Yari azi ko Yohana ari umukozi w'Imana, umuntu agororotse kandi yejejwe. Ariko ntiyagomba guhagarika gukora ivyaha.






Kandi na Yohana
ntiyashaka
guhagarika
gusigurira
abantu ko
bakwiye kureka
ivyaha, n'aho
vyari bizwi ko
uwuvuze ivyo
aca atabwa
mw'ibohero.



Umusi Herodi yari afise isabukuru,
ategura umusi mukuru. Umukobwa
wa Herodiya atambira Herodi.
Maze biryohera Herodi. Aca
amusezeranira ati: "Nsaba ico
ushaka cose ndakiguha n'iyo
coba igice
c'ubwami."



Umukobwa wa
Herodiya aribaza ati:
"Mbega nsabe iki?"



Nyina wiwe
kuko yari afise
ubushobozi
bwo kugirira
nabi Yohana
kandi kuko
yari asanzwe
amwanka, aca
aramubwira
ico yosaba!
Vyari biteye
ubwoba!



Uwo mukobwa wa Herodiya aramwishura ati: "Impa umutwe wa Yohana kw'isahani." Herodi arababara cane kubona yatanze iryo sezerano, ariko ntiyashobora kwivuguruza.



Herodi ategeka abasoda
biwe ati: "Muce umutwe
wa Yohana umubatizi
hama muwunzanire
ng'aha." Abo basoda
baramwumvira.



Mu mubabaro mwishi, abagenzi ba Yohana bahamba umubiri w'intwari kandi intahemuka umukozi w'Imana. Igikorwa ca Yohana co gukorera Imana cari kirangiye ng'aho. Kumbure bari bazi ko Yesu azobaremesha muri ako gahinda.



Intumwa y'Imana

Inkuru ivuye mw'Ijambo ry'Imana, Bibiliya

tuyisanga muri

Mariko 6; Luka 1, 3

"Guhishurirwa amajambo yawe kuzana umuco, guha abatungu ubwenge." Zaburi 119:130



Iherezo



Iyi nkuru ya bibliya itubwira
kuvyerekeye Imana yacu y'igitangaza
yaturemye kandi igashaka ko tuyimenya.

Imana irazi ko twakoze ibibi, arivyo yita
icaha. Igihano c'icaha ni urupfu ariko Imana
iragukunda cane yarungitse umwana wayo
w'ikinege, Yesu, gupfa ku musalaba kugira
ahanwe kubw, ivyaha vyawe. Hama Yesu
asubira kubaho aca agenda I muhira
mw'ijuru. Niwizera Yesu ukamusaba
aguharire ivyaha vyawe, azobikora.
Azoza abe muri wewe, hama uzobana
na we ibihe bidashira.



Niwizera uko ni ukuri, bwira Imana ibi:
Yesu mwiza, ndizera ko uri Imana, kandi
wacitse umuntu ugapfa kubera ivyaha
vyanje, hama ubu ukaba uri muzima. Rero
ingo mu bugingo bwanje hama uharire
ivyaha vyanje, kugira ngire ubugingo
bushasha, hama umunsi umwe nze mbane na
we ubugingo budashira. Mfasha kugira
ndakwumvire kandi mbeho ku bwawe
nk'Umwana wawe. Amen.

Soma bibiliya hama uvugane n'Imana
iminsi yose. Yohana 3:16

